



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CCCXLVII. Claus Berg verkauft dem Bürgermeister, Probst und Vorstehern des Chors zu Prenzlau Pächte aus Tornow, am 10. März 1518.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

wir vnfern lieben Getrewen Bürgermeistern vnd Rahtmannen vnd gantz gemeine Bürger vnser Stadt Prentzlow befreyet vnd privilegiert haben Tzehen Jarlang des Zolls von vngefaltzener Wahr in vnfern Lande, vnd befreyhen sie hiermit in Krafft vnd Macht dieses Briefes, begern darauf an euch alle vnd jeden befundern, wollet von den vnfern van Prentzlow in solchen Zehen Jahren von der vngefaltznen Wahr keinen Zoll fordern noch nehmen, sondern deshalben Zollfrey vnd vngehindert ziehen vnd fahren lasen, doch also, wen solche Zehen Jahr verschienen seyen, das sie alsdann von der vngefaltzen Wahr an irrungen Zoll geben, wie vor geschehen. Daran geschieht vnser ganz meynung. Datum mit vnfern Secret besiegelt, Colln an der Sprew, am Tage Laurentii Anno XV.

Aus einem Copialbuche.

CCCXLVII. Claus Berg verkauft dem Bürgermeister, Probst und Vorstehern des Chors zu Prenzlau Pächte aus Tornow, am 10. März 1518.

Vor alle menlick — Bekenne ick Claws Berch, to Tornow wanaftich, vnd dhu Kund offentlich in vnd medt dēsem Breue, Dat ick vor my vnd minen rechten Eruen, ock willen vnd Vullbord miner Kinder verkofft hebbe vnd iegenwordigen in Crafft vnd Macht deses Briues verkope, den werdigen wollwisen Herrn Achem Schyuelbein, Borgermeistere, Ern Johann Tornow, Prouest, vnd Herrn Henningh Cerwest, des Jares Vorwesere des Chors to Marien vnd tiden, die dar van dem lidenden vnser Herren Jesu Christi gefungen werden, twe Marck genges Geldes vp den Hoff vnd verndel van einer Huffe, dar nhu tor tidt Michil Krumbcke vp waneth vnd bedrifft, vnd eine Marck vp den Hoff vnde halue Huffe, dar nhu tor tidt Achim Krentzow vp waneth vnd bedrifft, beide tho Tornow wanaftig, vnd im Velde belegen. Sodane vorgeschreue Jarlicke Pacht scholen vnd willen die vpgenannten Burhn vnd ere Nackaminghe alle Jar vp Sunte Mertens Dach nach Datum deses Briues geuen vnd vthrichten, sunder yennigerley Hülperede effte Hinderunghe, vnd ick Klawes van dem Berge, opgenant, will meth minen Eruen die op gemeldten Herren an die vorgeschreuen Pacht weisen vnd vor Richter, Scheppen vnd gemeinen Buhren in dem ergedachtem Dorpe Tornow vorlaten in Crafft deses Briues, vnd effte die jarlicke genohmede Pacht in dem Pacht Dage Martini nicht vthqueme, so moghen die vppedachten Herren edder ein ander von oren wegen dar umme panden in dem Pacht Dage edder bynnen dem Jar, wenn em dat lustet vnd bequem ist, so hoch die jarliche Pacht vthwifet, Kosth vnd Theringe dar an to vorhalende vnde meth den Panden varen, so wanlick vnd recht ist sunder mher geistlickes effte werlickes rechtis Forderunghe, vnde effte die Houe vnd Huffen wuste worden, nicht van Herren Krieges haluen edder süs van Vnschicke affbrende, sunder van vnwonlicker vnplicht die gemelden Pachtlüde loswerden edder voriageden, wo idt schege, so schalen sick die vpgenannten Herren vorhalen vnd panden vth minen redeften vnde wiseften Güdern, wor ick sie hebbe, ane my edder myner Eruen willen vnd Hinderunghe, vnde will ick den vorgemeldten Herren meth mynen Eruen deses Gudes vnd rechticheyt ein recht gewere wesen vor mynen gnadigsten

Herren Fürsten des Landes vnd vor ein ydermann, die vor recht kamen will, so lange vnd so vacke en des Noth vnd Behuff werth syn vnd ick en van rechts wegen vorpflicht byn. Ock will ick meth mynen Eruen dydt Gudt vor mynen Gnedigen Herren vordienen vnd frygch holden van aller Vnpflicht vnd glicke mynen andern Gudern beschermen, vnde laue meth mynen Eruen, en vp desfen Kop to schickende vnser gnädigsten Herrn Wille brieff. Ick Hennigh Lindtstedte, wanafftig to Rollwitz, by Pafewalck belegen, methloue vnd gut segge des in Crafft vnd Macht vnd wilsheit mede myn Ingesegel laten hengen an dessem breff, so Clawes Bergh meth synen Eruen den bynnen Jar vnd Dagen, so die Rechte willen sehen schall, nichten schickende, wat schaden die vorgemeldte Herren daruon nehmen, laue wy em wedder to leggende, funder alle Geferde. Vorsödane jarlicke Pacht vnde Rechticheit hebben my de vacke gemeldte Herren vesttigk Marck genges Geldes wohl tor Nüge bereydeht vnd betahlet, darick sie quit, leddich vnd los an lathe in Macht desfes Briues, Vnde wanner ick Clawes von dem Berge, opgemedt, so dane vorgesehrene Pacht vnd Rechticheyt will meth mynen Eruen wedder kopen van dem ergenandten Herrn, so schal ick, myne Eruen en vnd ore Nakomelinge ein ferendel Jares to vorne vp Sunte Johannis Baptisten Dage im Samer vpfeggen vnd denne darna vp den enckenden Sunte Mertens Dach negeftvolgende die feiftich Marck Hauetstuels binnen Prentzlow meth der gebarnen Pacht an enen Summen wedder geuen, vnd effte die boreydinge vpp den enckenden funte Martens Dach na der vppfegginge nicht entfchege, watterleye schaden die vorbenohmden Herrn ere Nackomlinge darumme dedem vpp Kristen pande edder vpp Gude borgen, den Schaden meth alle Laue ick Clawes von dem Berge medt mynen Eruen wedder to leggende glick dem Hauetstuhle, funder gennigerleye Hülpere, Intoch oder Argeliste, vnd laue ock meth mynen Eruen, alle Stücke vnd Artickle, Claufulen vnde Punkte vnd ein Yewelk bauen beschreuen by sick stede, vaste vnd vvorbracken to holdende ane alle bose geferde, vnd offte yn dessem breue were an sehruende edder an dichtende yenich Artickel wer to korth effte to lanck, edder in tockamenden Tiden Verfumnisse sehege an dem Ingesegel, wormsteckent effte desse Bryff krege ein Holl, wo idt queme dat schall my Clawes Berghen vnd myne Eruen nicht hulpeck vnd den ergemeldten Herren vnd oren Nackomelingen nicht schadelick wesen. Tho Vrkundt vnd mher witschop bebb ick Claws von dem Berghe vor my vnd mynen Eruen, alse ein Hauetmann, vnd Henningh Lindtstedte, als ein Borge, vor dem Willebreff vnser Ingesegel met Witscop vnde Volborth laten hengen an dessem apen breff. Geuen vnd schreuen tho Prentzlow in den Jaren vnser Herren, so man schrifft Dufent Jar vyffhundert, darna im achtenden Jahre, am Middewecke nha dem Sundahge Oculi.

Aus einem Copialbuche.

CCCXLVIII. Das Paweller Kloster zu Prenzlau verkauft dem Rathe wiederkäuflich  
Besitzungen in Klinkow, am 24. August 1519.

Vor als wem, dar uorkumpt desse Brieff, enhe sehen oder hören lesen, vnde suls allermenniglich, bekennen vnd thun Kund wy Broder Ern Nicolaus Eghardi, Prior, Valentinus